



Шочмо эл, порылык да чын верч!

51-ше (3751) №,
2025 ий 26 декабрь,
кугарня



0+

1933 ий 1 февраль годсек лектеш.



Түн юзо коча У ий гене саламла

«Йүштө Кугызан поездше» ак-
ций визымше ий эртаралтеш.
Тений юзо коча да тудын по-
ро йолташыже-влак күртньгор-
нысо путешествийыштым 19 но-

ябрьште Владивосток ола гыч
тұңалынт да 11 январьште
Великий Устюгышто мучашлат.
Ты жапыште 70 олаште чарнал-
тышым ыштат. Марий Элын

рүдолашкыже 23 декабрьште
толын шуынт.

*Умбагыже –
2-шо лаптыкыште.*

Михаил Скобелевын фотожо.



*Түн алтышыже –
1-ше лаштыкыште.*

– Мыйын шочмо кундемышкем,
Великий Устюгышко, кажне йоча
миен ок керт. Садлан күртнны-
горно пашаен-влак деч полиаш
йодынам. Нуно кажне уныкам
дене вашлияш йоным ыштенят,
күртнн йомным «кычкен», корныш
тарватеныт. Теният уло Росси-
йым авалташ шонена. Изи да кугу
олалаште вашлиймашым эртаре-
на. Тые Марий Эл Республикын
рүдолашкыжат толын шуына.

У ий пайрем дене, йолташ-влак!
Ваш йоратен, пагален, чаманен
илыза. Тек чоныштыда йўлыш
юзо шўлыш нигунам огеш йөрө, –

Йошкар-Оласе күртнныгорно вокза-
лыште погынышо ача-ава, коча-кова,
йоча-влакым Йўштö Кугыза салам-
лыш да шкеж деке уналыкеш ўжö.

Юзо поездын вагонжо-влак чын-
жымак йомакысе гай улыт. Ик-
тыште пайремын түн геройжо-влак
дене вашлийын мутланаш лийын,
васыште икшыве-шамычым ятыр
онгай модыш вучен, вагон-рестора-
ныште йўдвел калык сийым тамлен
ончаш темленят. Воштончышан
пöлемыште йоча-влакым Лум коро-
леве вашлийын.

*Оля МАЙКОВА.
Снимкыште: Йўштö Кугызан
поездыштыже.
Ирина Желтован фотожо.*

Увер



У ий пай-
рем кечыла –
лишыл енг-влак
дене ончырыш,
концертыш, спектаклыш, тош-
терыш миен толаш эн кел-
шыше жап. Амалжат уло.
27 декабрь гыч «Ача-аватым
тоштерыш нангай» всерос-
сийский акция уэш түналеш.
Пушкин картан ўдыр-рве-
зе-шамыч ача-аваштлан лу
процентлан шулдырак ак дене
билетым налын кертят. Ак-
ция 11 январь марте шуйна.
Марий Элыште ты акцияш
Т.Евсеев лүмеш Калыкле тош-
тер, Шереметев замок, Рес-
публикысе сүрет сымыктыш
тоштер ушнат.

Синквейн

Йўштö Кугыза
Поро, чал.
Куандара, кылмыкта, пöлекла.
Пайрем шўлышым конда.
Юзо.

*Катя ПАВЛОВА.
Волжский, Сотнур.*

Тўкалтен омсашке

Кумда ош түняште ший
тул чўкталтеш,
Поран чал пасушто
кышам леведеш.
Еш дене У ийым пырля
вашлийына,
Пиалым, куаным конда мыланна.

Эртен идалык тошто,
лумла чылт шулен,
Пеленже ойгым, кочым нангаен.
У идалык тўкалтен мемнан

омсаш,
Те ямде лийза тудым
порын вашлияш!
Анна АНДРЕЕВА
Кужэньер, Тошто Йўледүр.

Тушто

Нерже мөрла чылт коеш,
Имныж ден кудалыштеш.
Сай пöлекым кучыкта
Поро Йўштö ...



Чонышто – пайрем кумыл

«Ямде лий» газет редакци-
йын эртарыме «Марий Эл – мы-
йын шочмо вер» республикысе
сылнымут конкурсышко ушне-
нам да сенгыше-влак радамыш-
ке лектынам. Пöтъял школ гыч
кумытын ойыртемалтынна.
Мемнам Йошкар-Олаште са-
ламленыт, дипломым, пöле-
кым кучыктеныт.

Пайрем деч вара рүдолан сыл-
не верлажым онченна. Мыланна
М.Шкетан лүмеш Марий нацио-
нальный драме театрыште экскур-

сийым эртареныт (снимкыште).
Кушто репетиций кая, кузе ям-
дылалтыт – чыла ончыктеныт.
Эше тале артист Иван Соловьё-
вым вашлийынна. Театрыште у
ий шўлыш озалана. Чыла вере
мотор. У ий кожым шке кид дене
ыштыме модышла дене сöраста-
реныт. Чонышто пайрем кумыл
эше утларак виянгын.

*Кира ДАНИЛОВА.
Волжский, Пöтъял школ пеленысе
Йоча ұсталык пöрт.
Фотом школ архив гыч налме.*

Сылне кож воктене – йоча йүк-йүан



У ий лишемме пагытыште түр-
лө öрыктарыше кончыш лийын
кертеш. Ты кечылаште йомак да
тыглай илыш коклаште чек кўчык
жаплан ўштылаалтеш, юзо шўлыш
озалана. 17 декабрыште Рес-
публикысе курчак театрыштат
тыгай вийым шижаш лийын. Ма-
рий Элын түрлө районжо ден
олаж гыч спорт тагасымашлаште,
конкурслаште, олимпиадылаште
да тунеммаште ойыртемалтше
200 наре марий йочалан «У ий
йомак» пайрем эртаралтын. Ту-
дым Марий тўвыра рўдерын па-
шаенгышт-влак ямдыленыт.

Лумўдыр, Чумбылат да молат

Ты гана йоча-влаклан
Шўшкышö-Разбойникым «сенгаш»
кўлын. Ты сомылышто нунылан
Йўштö Кугыза, Лумўдыр, Меран,
Рывыж, Чумбылат ден Илья Му-
ромец полшенит. Ёдыр-рвезе-
влак, рўжге мурен, түрлө тўсан
йылгыжше кож йыр куштеныт да
модышлаште вий-куатыштым тер-
геныт. Пайремым Марий тўвыра
рўдер пеленысе «Падыраш» ден
«Йоча йүк-йүан» ансамбль-ша-
мыч сöрастареныт. Марий Турек
район Арбор кундем гыч семўзгар
дене шоктышо ёдыр-рвезе-влакын
выступленийышт кумылым савы-
рен. Арслан Прохоров тўмырым
кырен, Егор Козлов гармоньым
шоктен, а Валерия Кутузова –
шиялтышым. Нунын туныкты-
шышт – Г.С.Кутузов. Ёдыр-рвезе-
влакым (снимкыште) пайремысе
герой-шамыч коклаште уждыа.

– Герман Степанович – мыйын

туныктышем да йöратыме ачам.
Туддене кугешнем, – ойла Валерия. –
Марий ёлкыш икымше гана то-
лынам, тидлан идалык мучко са-
йын тунемынам да түрлө конкур-
сышко ушненам. Пайрем моткоч
келишен. Эн чот Рывыж кумылем
савырен. Тудо мотор да весела.

Шере пöлекым кучкытымке,
йоча-влаклан Республикысе кур-
чак театрын артистше-шамыч
«Конёк-горбунок» спектакльым
ончыктеныт.

Икымше верын озаже

У ий вашеш Республикысе ма-
рий тўвыра рўдер «Йўштö ко-
чайлан мурем» да «У ий модыш»
конкурс-влакым эртарен. Муро
конкурсышто икымше верым налы-
ныт: 6-8 ияш йоча-влак коклаште –
«Подснежник» подготовительный
группо (Медведево, 4-ше номеран
йочасад); 9-11 ияш-влак радамыш-
те – Анна Атьканова (Козьмоде-
мянск, «Дарование» школ-ин-
тернат); 12-15 ияш-влак коклаш-
те – 1-ше номеран Шернур школ
гыч трио. Модыш тагасыште түр-
лö ййготан-влак коклаште икымше
вер дене палемдалты-
ныт: Максим Вилуков
(Килемар, Арде), Ни-
колай Левагин (Козь-
модемьянск, 3-шо
номеран школ),
Арина Лобода
(Национальный
сымыктыш гим-
назий). Аринан па-
шажым снимкыште
ужыда.



Катя СЕРГЕЕВА.
Авторын фотожо.

Йўштö Кугыза лиям гын...

У ий пайремым чыланат йöра-
тат. Йоча-влак пöлекым вучат, ку-
гыен-шамыч – у пиалым. Йўштö
Кугыза лиям гын, изинек эмганен
кушшо ен-шамычлан тазалыкым
эн ончыч пöлеклем ыле. Млан-
дымбаке тыныс илышым кондем
ыле. У ий йўдым поро йомакыш
савырем: тек кажне енын шоны-
машыже шукталтеш. Ача-ава деч
посна кушшо йоча-шамычлан
ешым муаш полшем ыле.

Ёдыр-рвезе-влак, вучыза Йўштö
Кугызам. Тудо эн поро, ўшаным
пöлеклыше!

Юлия ЯГОДАРОВА.
Советский, Кельмаксала.
Фотом еш архив гыч налме.



Полина ГРИТЧИНАН сўретше.
Йошкар-Ола, 80-ше номеран
«Ўжара» йочасад.

Юзо шўлыш

Ме Уийым вученна,
Кожым мөнгө конденна
Да пөлемыш шынденна.
Пайремлан түзатенна.

Йўштө Кугыза толеш,
Мландым ший ден леведеш
Да пушенгым ошемда.
Юзо шўлышым пурта.

Йоча-влак мурым ямдылат
Да тўшкан кушташ вашкат.
Йўштө Кугызам вучат,
Пөлеклан пеш куанат.

Андрей УШКОВ.
Волжский, Сотнур.

Мотор, ушан

Шушаш идалыкын озаже –
Имне. Кугу, виян, патыр, писе,
чолга, мотор! Ожно ялыште
шукын ты волыкым ашненит.
Тудо техникым алмаштен. Кы-
зыт яллаште имне уке гаяк.
Ача-авана дене иктаж-кушко ку-
далме годым корно воктене ужы-
на гын, эре шогагына.

Имным тўткын эскерем да ту-
дын нерген лудмем шарналтем.
Имне южым нер дене налеш да
нер гычак шўлен луктеш. Тудо
айдемым сайын «умыла». Оза-
же сырен але, мөнгешла, пиалан
гын, вигак шижеш. Имне сным
кужу жаплан шарнен кодеш. Ну-
нын коклаште иктаж-могай кыл
лийын гын, икмынар жап
гычат пален налеш. Им-
не-шамыч икте-ве-
сыштым лыпланда-
рен моштат. Икте
тургыжлана гын,
весе воктекеже ли-
шемеш да нержым
тўка. Тыгай нуно
ушан улыт.

Ксения СТОЛЯРОВА.
2-шо номеран Морко школ.

Палаш онгай

Кызыт Кремльысе ёлкыш, би-
летым налын, кумылан кажне ен
логалын кертеш. 1936 ийыште
тўналтышым налше представ-
ленийыш тунеммаште кугу кўк-
шытыш шушо, усталык, мер па-
шалаште лектышым ончыктышо
ўдыр-рвезе-влакым веле налыныт.



Вий – келшымаште

Ме, Сотнур школышто 7-ше
классыште тунемше-влак (сним-
кыште), Валентин Исенков
лўмеш премийым налынна. Ты
сенгымаш – нимучашдыме пиал!
Шке фамилийнам «Ямде лий» га-
зетыште ужаш манын, умбакыжат
тыршаш тўналына.

Тений икымше гана районысо
олимпиадышке ушненна. Максим
Качуев, Катя Павлова, Валерия
Скворцова, Андрей Ушков тўрлө


предмет дене уш-акылыштым тер-
геныт. Тале спортсменна Ярослав
Михайлов Марий Эл Республикым
Вуйлатышын ёлкыштыжо лийын.
Классыште икте-весе дене келшен
илена, кажнын сенгымашыжлан
куанена. «Келшымаште, тўшкан
пашам ыштымаште – вий» ўжмаш
тений чўккыдын йонген.

7-ше классыште тунемше-влак.
Волжский район.
Фотом школ архив гыч налме.

Йошкар Тул Имне вашка

Эрвел календарь почеш 2026
ийын символжо – Йошкар Тул
Имне. Тудо эрыкым йоратыше,
писе, пашаче. Пеленже ятыр
сенгымашым, вашталтышым кон-
да. Поро кумылан-влакым йората.
Шкеж гай виян, чолга, патыр-ша-
мычлан куана.

Имне мемнам ончыко вўда, па-
шам ышташ кумылым нолта, ой-
гым поктен колта, тыгодым ске-
нан көргө вийнамат йодеш. Кө
нелылык деч ок лўд, 2026 ийыште
кугу кўкшытыш шуын кертеш.
Усталык пашаште тыршыше,
спорт дене пенгыде кылым кучы-
шо, проектым ямдылыше ең-
влаклан ты идалык поснак кугу
лектышым сөра.



Катя ПАВЛОВАН сўретше.
Волжский, Сотнур.

Тўшто

Кишкылан тауштена
Да «Чеверын» манына.
Вашлийына ме у озам,
Вияным, писым, пеш чолгам.



Тудым налыт, ямдылат,
Кож йымак шылтен пыштат.
Пеш чот тамле да мотор,
Мом йоча вуча тынар?

У ий куан



У ий – чон вургыжмо пайрем. Йоча годсек тудым вучена. Тошто идалыкым ужатен, вес ийышке вончена. Кажне ийын шонен пыштымына шукталтеш манын ўшанена.

Тений йоча-влак дене шуко конкурсышко ушненна. Почеламутым сылнын лудаш йоратена, сўретлаш кумылан улына. Шуко гана ончыл верышке лекме. Тиде идалык моткоч куанле увер дене иктешлалтеш. Мыйым «Почётан юнкор» радамыш пуртеныт. Тиде ончыкыжым эше чот тыршаш кумылым луктеш.

Йоратыме «Ямде лий» газетем, ўмырет кужу лийже, лудшет эре ешаралтше.

Надежда ГОДУНОВА, 80-ше номеран «Ўжара» йочасадын воспитательже.

Йошкар-Ола.

Оля Майкован фотожо.

Поян Кишке ий

2025 ий түрлө вере миен, ужын коштмо дене кумылым нолтен. Кенжеж каникул экскурсийлан поян лийын. Ача-ава, шўжарем, йолташ-влак дене пырля Татарстан Республикасы Лаишево олаште «Камское море» пляжыште шертеммеш йўштылынна. Ты республикыштак верланыше Раифский Богородицкий монастырьш ми-йымынат чонышто келге кышам коден. Килемар, Курыкмарий районлам ужын омыл ыле. Шонь-машем шукталтын. Икымше гана

паром дене ийынна. Юл энэрын моторлыкшым кугешнен онченна. Козьмодемьянск олаште тошто пōрт-шамычын шкешотан улмыштым эскеренна. Школ илышемат поян лийын. Мый «Волейбол» да «Армейский рукопашный бой» секцийлаште шуаралтам. Таңасымашлашке чўчкыдын ушнем. Шуко гана сенышыш лектынам. Шушаш идалыкат поян лектыш дене куандара манын ўшанем.

Алина СУББОТИНА.

2-шо номеран Морко школ.

Ўшанен вучем

Шушаш идалык деч мый у сенымашым, у шўлышым, у вашталтышым вучем. Сылне сем дене калыкым ончыкыжымат куандараш шонем. У му-ро-влакым возаш йōн, усталык шўлыш лийыт манын ўшанем. У ен-шамыч дене палыме лийнем, түрлө верым ужын кошнем. Но эн түнжō – вуй ўмбалне кан-де кава лийже. Мый ўшанем: шушаш идалык ава гай тыматле лиеш – вет ме пиалан ончыкылык илышым чонена. Тидлан икте-весым умылышаш, вашла полшышаш улына. 2026 ий – Российысе калык-влакын икоян улмо идалыкышт. Калык-шамыч коклаште келшынам, ваш умылымаш эше пентгыдырак лийшаш. Чылалан чытышым, пагалымашым, у сенымашым тыланем, аралыза шкендам, аклыза йыр улшо енда-влакым.

Кирилл

НОВОСЕЛОВ.

Шернур, Кукнур.



Морко посёлкысо 1-ше номеран йочасадыш коштшо Миша Петухов (снимкыште) У ийын юзо вийжылан ўшана. Аваж дене коктын мотор имньым сōрастареныт. Тек йоча пагыт юзо шўлышан лиеш.

Инна АЛЕКСЕЕВАН фотожо.

Кожым сōрастарена

Мый у ий кожым сōрастараш пеш йоратем. Модыш-влакым кевытыште наледена. Но чонлан келшышым шке гыч садак ыштем. Тений йылгыжше кагаз гыч лум пырче-шамычым пўчкеденам. Авамын йоча пагытысе модыш-влак аралалт кодыныт, нунымат огына мондо.

Пайрем пушенгым чодыра гыч огына кондо, чаманена. Ик тылзе жаплан шогалташ да кошкымекше луктын кудалташ? Уке, тек шке верыштыже тўзланен кушкеш. Авам, акам дене, Элнет энэсер дене коштшыла мотор кожым ойырен, кумшо ий сōрастарена. Пўртўс лонгаштат У ийым пайремлаш онгай. Чыладам шушаш У ий дене саламлем!

Марина СТЕПАНОВА.

Волжский, Упшер.

Пөлемым сөрастарена

Тений чевер, тул түсан арверла дене пөлемым сөрастарыман. Нуным «тыпландараш» хаки, сур, индиго, ужар түсымат кучылтман. Пу гыч ыштыме арверлам ямдылаш темлат. Мутлан, фанер гыч имным але шұдырым пұчкын лукташ лиш. Имне таган формо дене пөлемым сөрастараш келшен толеш. Гирляндым, омсашке сакалш кож укш гыч пидме аршашым таганла веранден кертыда. Ёстембаке натуральный куэман леведышым шарыман.

• **Мастар кид** •

Шинчалан руаш гыч

Кўлыт: 2 стакан ложкаш, 1 стакан шинчал, 1 стакан вўд, чия, лак.

Шинчалым шокшо вўдеш шулыктарыза. Вўд йўкшымеке, ложкашым ешарыза да руашым лугыза. Йытыр дене икгай кўжгытаным йўрыза да, печене ыштыме формым кучылтын, модыш-влакым пўчкеден лука. Чиялтыза да коштыза. Ёмбачше лак дене чиялташ лиш.



Йошкар түс пиалым конда

Идалыкын символжылан келшен, У ийым вашлияш йошкар, шўртньо түсан чиемым ойырыман. Тыгак кўрен, ужар, ший түс-влакым Имне пагала. Вургем чапле куэман, каплан келшыше лийшаш. Йылгыжше сөрастарыш-влакым пижыктыман. Ошо але канде түсан деч коранман. Тудо вўдым але ийым ушештара, тулым чарен кертеш.

Тўвыргө лектышан идалык

2025 ий тўвыргө лектыш дене куандарен. Поснак 12 декабрь шергакан. Ты кечын мыйым Антонов Ивук лўмеш премий дене палемденыт. «Ямде лий» газетыш шке возымо почеламутем-влакым идалык мучко колтен шогымемым тыге кўкшын аклымылан моткоч йывыртенам. 5-ше классыште тунемме годымак сераш кумылангынам. Ты сомыл мыланем мот-



коч келша. Колым кучымо годым, понгым погымо годым шонымаш трукышто толеш гын, вигак кагазыш возен кодем. Тўрлө темым авалташ тыршем.

Налза, лудса марий йоча газетым. Шке серышдам возен колтыза. Ала шушаш ийын тыгай преми-йын озаже те лийыда.

Андрей УШКОВ.
Волжский, Сотнур.
Оля Майкован фотожо.

Могай сийым ямдылаш?

У ий ёстембалне йошкар, саре түсан кочкыш лийшаш. Кавун, кешыр, шере пурис, помидор, гранат, апельсин нерген мондыман огыл. Рукола, базилик, кинза, фисташке тазалыкым пенгыдемдаш, кўргө вийым ешараш полшат. Шолтымо ушмен, тар шўраш, паренге, шемшыдан ок-

сан, кужу ёмыран лияш йоным ыштат. Емыж-саскан когыльо, мўян печене, шўртньо кагазан кампетке еш кокласе кылым пенгыдемдат. Имным поремдаш манын, шўльо ложкаш дене кўэштме кешыран печеным ямдылаш келшен толеш. Тенгызысе кочкышым Имне ок йорате. Тўткө лийза!

«Мотор вўльё» салат

Кўлыт: чыве шыл, 2 кугу совла консервироватлыме пурса, 80 грамм кукурузо, кок вуй шоган, 150 грамм майонез, 200 грамм шампиньон, кечшудо ўй; **сөрастараш:** 150 грамм чернослив, шолтымо кок муно, 50 грамм пунымо сулугуни сыр, 1 кешыр, петрушко.


Чыла кочкышым лончын-лончын опытыза. Тыгодым тудо имне



вуйым ушештарышаш. Кажне гана майонезым йыгыза. 1 лончо – кубик дене пўчкедыме чыве шыл, 2 – мариноватлыме да кубик дене пўчкедыме ик шоган, 3 – тыгыдемдыме

чернослив, 4 – кукурузым пурса дене варыза, 5 – жаритлыме шоган ден шампиньон, 6 – тёрко гоч колтымо муноптем, 7 – шолтымо да тёрко гоч колтымо кешыр.

Муношо гыч имнын шўргыжым ыштыза, чернослив гыч – шинча ден нерым. Сыр пунем гыч мотор оржам келыштарыза. Сўретысе семын петрушко дене сөрастарыза.



• **Палаш онай** •

У ийым 31 декабрь йўдым пайремлена гын, тошто У ийым – 13 январыште. Мо тыгай тошто У ий? Ожно юлианский календарь

лийын, кызыт – григорианский, садлан 13 кечылан шўкалалтын. Тошто календарыым мондаш огыл манын, тошто У ийым пайремлена.



Тау мотор вургемлан

«Мыйын калык вургемем» фотоконкурс мучашке лишемын. Ты гана түрлө кундем гыч моткоч шуко паша пурен. Йо-ча-шамыч конкурсышко шкет, еш, родо-тукум дене ушненят. Кажныже ойыртемалтше, сылне да чонлан лишыл вургемжым ончыкташ вашкен. Куандара, ўдыр-рвезе-шамыч калык вургемжым чият да аклат. Вет тушто эртыме корно, илыш-йўла, тўвыра аралалтыт.

Конкурсн условийже почеш, эн шуко лайкым погышо



сенгышыш лектын. Тидлан түрлө йоным кучылташ лийын. Заметкым возаш, подпискым ышташ да ешартыш лайкым погаш. Ты шотышто ача-ава, коча-кова-влаклан кугу таум ойлыман.

Тиде гана конкурсышто эн шуко лайкым кок фотографий поген. Тиде мўндыр Камчатке гыч Ягодаровамыт еш да Йошкар-Ола гыч Ульяна ден Дима Кузьминмыт. Нуным снимкыште ужыда. Сенгыше-влакым редакцийште пөлек вуча.

Йўштө Кугыза деч пөлек

Ме У ий пайремым моткоч вучена.

Кажне ийын шольым дене Йўштө Кугызалан серышым возена. Шукыж годым тудым холодильникыш але кож ймаке пыштена. Йўштө Кугызан юзо

вийжылан ўшанем, пөлекым кондымыжым чон вургыж вучем. Пытартыш ийлаште тудо кок түрлө усталык наборым, 500 штукан пазлым, пушкыдо модышым пөлеклен. Тений Йўштө Кугыза деч воштыран наушникым йодынам. Тудо У ий йўдым пөлекым кож ймаке пыштен кода манын ўшанем.

Ульяна ТАНЫГИНА.
Шернур, Кукнур.



ШОРИКЙОЛ		ЯНВАРЬ	
2	кч 17:00	КУЗЕ ГЫН МАРЛАН ЛЕКТАШ ОГЫЛ... Концерт	М. Хайбуллин 16+
3	шм 17:00	КАЧЕ ПАЗАР Концерт	Н. Боталов 12+
4	вс 10:00	ВОЛШЕБНАЯ ЛАМПА АЛАДИНА Музыкальный спектакль	А. Чупин 6+
4	рш 17:00	САЛИКА Музыкальный концерт	С. Насоков 12+
5	шч 17:00	СОСНА ПОМИНКА Концерт	Г. Бурданов 16+
6	кш 17:00	МИКУЛАН – ПРЕЗЕ, ЯКУЛАН – УДЫР Музыкальный концерт	А. Аралов 12+
7	вр 17:00	ТҮРЛӨ ЖАПЫШ ТЫАМНЕМЕШ ВОНЧЕНА У ИЙ ВАШЕШ! У ий воштыр	12+
27	вт 18:00	ЕТНО КАВКАЗ: ТРАДИЦИИ В ДВИЖЕНИИ Мастер-класс	12+
29	чт 18:00	ЗАПИСКИ ЮНОГО ВРАЧА По рассказам Миконы Булгокова	М. Булгоков 12+
30	пт 18:00	ЗАПИСКИ ЮНОГО ВРАЧА По рассказам Миконы Булгокова	М. Булгоков 12+
31	шм 16:00	ОРЬЕН МЕЛНА Концерт	А. Волков 12+



0+

Газетым Кыл, информационный технологий да массовый коммуникаций сферым эскерыме шотышто федеральный службн Юл кундем федеральный округысо управленийыштыже регистрироватлыме. Номер – ПИ № ТУ52-01404, 2023 ий 22 сентябрьыште пуымо.

Марий Эл Республикысе «Марий Эл» увер агентстве» КАУ.
Директор – Е.И.КУЗНЕЦОВ.
Тўн редактор – А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра, печат да калык-влакын пашашт шотышто министерстве, Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ, 424006, Йошкар-Ола, СССР Вооружённый Вийын 70-ше идалькыше урем, 20-шо пөрт. Тел. 8(8362) 45-22-82.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Печатьыш пуымо жап – 14-00, фактически – 13-00.

Авторын да редакцийын шонымашышт түрлө лийын кертыт. Серыш-алак мөнгеш огыт колпат. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru (автор-влаклан)
Сайтын адресше: ямделий.рф

Январь-Шорыкйол

Шч	Кш	Вр	Из	Кг	Шм	Рш
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

Февраль-Пургыж

Шч	Кш	Вр	Из	Кг	Шм	Рш
					1	
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	

Март-Уярня

Шч	Кш	Вр	Из	Кг	Шм	Рш
					1	
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

Апрель-Вүдшор

Шч	Кш	Вр	Из	Кг	Шм	Рш				
				1	2	3	4	5		
				6	7	8	9	10	11	12
				13	14	15	16	17	18	19
				20	21	22	23	24	25	26
				27	28	29	30			

Май-Ага

Шч	Кш	Вр	Из	Кг	Шм	Рш
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

Июнь-Пеледыш

Шч	Кш	Вр	Из	Кг	Шм	Рш				
				1	2	3	4	5	6	7
				8	9	10	11	12	13	14
				15	16	17	18	19	20	21
				22	23	24	25	26	27	28
				29	30					

Июль-Сүрем

Шч	Кш	Вр	Из	Кг	Шм	Рш			
				1	2	3	4		
				6	7	8	9	10	11
				13	14	15	16	17	18
				20	21	22	23	24	25
				27	28	29	30	31	

Август-Сорла

Шч	Кш	Вр	Из	Кг	Шм	Рш
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

Декабрь-Теле

Шч	Кш	Вр	Из	Кг	Шм	Рш

Снимкыште: Йошкар-Оласе 29-ше номеран «Ший онтыр» йочасадым коштыш-влак Назар Чеснок, Василса Москвина, Ульяна Иванова, Таня Гудина, Мариам Гилздова, Ксения Михайлова, Ебсей Чапиков, Иван Речкинын фотожо.



2026 ИЙ

